



## **Habemus Papam**

**Anchi chist'annu a giugnu / si ficiru li bifari  
Sinnacu e Cunsigliu eletti / ma cu li piedi papari  
picchè poi sta cuntisa / è sempri tra du armali  
lu nomi di stu paisi / chiangiemmu li natali.**

**Curpa ncoddru / di stu piccatu originali  
custritti a scegliri / lu peggju o lu menu mali  
cunnanna senza appellu / tristi distinu, ria sorti  
allazzammuni li canzi / stringiemmulì cchiù forti.**

**Pi la secunna vota / vularu ncelu li Cuerbi  
cu tanti di ddri voti / ca vittiru nzina l'uerbi  
ma forti fu l'ammuttuni / di tanti antri mani  
pi futtiri di pinnina / ddru poviru Tanu Cani.**

**Lu fistinu a brazzettu / c'eranu sicchi e panzuti  
nsemmula a tutti l'antri / ca eranu già vivuti  
criaru un sudaliziu / c'assumiglia a na paranza  
cu sà quarchi muddrica / ci arresta ni la panza.**

**Caniattì li 15 giugnu 2011**

**Totò Treppiedi**

